

河汾諸老
集八卷

四部叢刊初編集部

上海商務印書館縮印
烏程劉氏藏影元寫本

河汾諸老詩集卷之一

貽溪麻先生華信之

橫汾隱者房祺編

上雲內帥賈君

北極長虹掣西垣太白高千年知運圯四海
共兵塵霧黑龍蛇聞山昏虎豹嘯石傷填海
羽波動負山驚遺介潛寒渚驚聽走夜牢江
山留慘黯天地入君蒿嶺折思枝柱初寒俟
寶綠明良逢慶會鄉曲得名豪梁棟因人出
餘鯨為世操安流欣鼓柁奔浪獨能篙日出
戈揮景江翻弩射濤風聲連須洞裁鑒悉纖
毫桃李勤封植茅菅日薙蘼獵場游麋鹿魚
渚動鱗劒井邑生春色禾麻飫土膏民歌烏
遶屋士喜馬騰槽朔塞閑刀斗天山擁節旄
岱嵩何落落江漢自滔滔大寶珠仍壁長城
雄與塚崇牙分榮戟大壤屬韃索日月依龍
德風雲挾豹韜夾山群戰騎黑水泳輕舸落
日觀魚浦秋風射雉臯化行家置教役簡里
停簪歌奏投壺室文閑治獄曹西庵談性理
東閣會奇髦森爽開瓊璫縱橫列鴈羔禮容

新泮宇物性遂莊濠牧唱聞朝起樵音聽暮
號孤嬰收坎阱流滯起蓬蒿晏下陳蕃榻誰
空北海醪卻軍敦禮樂曹館富風騷客望龍
門聚離從鳳穴翺世知三窟隘人可二天逃
雨露承恩命山河襲世勞功名高衛霍輔弼
慕伊咎鞍馬憐髀肉簪纓視鬢毛雅申張仲
德頌入魯侯昭有客傷淪落無堦寫鬱陶太
行雲幕幕代北雨騷騷去國心將折懷人首
獨搔身如伏櫪驥情似失林猱涸轍將安往
窮途况所遭幸今逢石直欲啖醪糟付已
誠無有登門亦已叨沐薰良備至感激欲號
咷已客馮驩舍猶傷范叔袍鳴須開匣劒割
欲試鈇刀杞梓容山木包羞薦沼毛每思休
困頓佳蔭有蘭草

送杜仲梁東游仲梁先稱善夫

野馬何決驟飛雲何悠颺商晶不足稽此士
又欲東略宋與梁青山不知老白日乃許忙
菊潭之水清冷淵野人飲之得長年芳醪不
買壽淡泊差可久北山我栽蒼翠巔丹崖石
老生紫煙靈芝秋祀老霜骨黃精茯苓飽新

新望君嶄嶄病以瘳酌之食之可以還膚腴
况有劉荊州元丹丘子寧舍之汗漫遊涼秋
佳月酒一杯送子東下心徘徊半山亭前一
茅屋歲寒霜勁君當來

短歌行送秦人薛微之赴中書

河流宿層氷山有太古雪翩翩有客來老面
黑於鉄盤盤胃臆間猶挂太華月不肯下貴
勢便欲叫雙闕朔寒衣裳單路遠馬蹶躒昔
人丈夫事肝膽不可越我歌送君行歌聲何
激烈悲風為我起酒行歌半闕望君青雲端
何恤遠離別

關中行送李頭卿

關中行我持一盃酒送君西入秦秦川鬱相
望渭水流云云黃河中折倏復來太華倚天
青壁開我送君兮渺何許春風不肯吹君迴
舉酒酌五陵浩歌登高臺終南之山何崔嵬
長安舊游安在哉百年繁華成劫灰千古英
雄沉草萊風塵頌洞豺狼墓天地茫茫入煙
霧我載歌送君去太華終南宜有深絕處崑
崙人跡所不到石壁蒼苔老煙雨 堂挂女

蘿充腹多薯蕷玉井蓮開十丈花扶苓根結
千年樹白雪青松良可老廉門有龐商有皓
不然凌雲學輕舉呼取安期羨門語憶昨與
君交相逢日日酬杯酒酒闌起舞肝膽開小
桃唱罷歌楊柳晉語狎秦瓊秦談驚晉叟秦
晉之交那可無胡為不作雙飛鳬碧草離離
生早春春哀歌望斷西南雲求君子終南之上
不可得大華峰頭會見君

阻雪華下

愛山久成癖得山真雋永太華隔風塵五年
夢幽境傳聞十丈蓮擬扣玉仙井雪花忽迷
漫蒼巖墮昏暝塞予世緣深方外久自屏意
是希夷君俗駕踈造請行行風撼林稍稍雲度
嶺雲間三峰面隱約露芒穎初如灑瀨堆屹
起勢奔猛漸如倚天劍萬仞鐵花冷煙霞半
明滅瞬息變光景乃知造物心相哀亦相警
歸鞭晚忽忽回首心耿耿浩歌夜深寒孤月
挂峰頂

置酒半山亭得秋字

懷抱久不寫兀坐如繫囚永懷西山勝浩蕩

成茲遊岳壑互窈窕叢蘿鬱深幽飛煙入虛
無長風跨崑丘楚甸散林莽商顏亦綢繆雷
雨天地空景氣入夜浮沉當節律變萬物颯
以秋雲來白日慘天澹清江流西望渺閩河
沉沉生暮愁蘭若暗幽谷芰荷老芳洲一笑
舉酒觴浩歌聊自酬幽賞興未極慨歎心悠
悠世事蒼茫外寒沙明白鷗

歸潛堂為劉京叔賦

逃淵魚深處避弋鴻冥飛古來賢達士亦復
歌采薇南山先廬在兵塵悵睽違山空無人
居惟見草木肥翩然千歲鶴一朝復來歸新
築臨渾水行逕窈以微清流鳴前除白雲入
晨扉迴顧陵谷遷萬事倏已非著書入理奧
得句窮天機前路政自迫此道儻可幾殷勤
抱中璧龜勉留餘輝第恐遜世志還負習隱
譏永懷泉上石一觴與君揮惜無陵風翰遐
舉非所希

守約齋為呂仲和作

讀書不務博造道當入微一理貫萬理一岐
會衆歧譬彼庖丁力騞然解牛時節間即有

得肯綮寧復疑道喪向千載聖遠孰可期養
勇敵所愾養氣動以隨心非安如山遇變鮮
不移吾門有聖學觀心乃其師宴坐一室中
自得實在茲胡為滯紛感紉繹如蠶絲人生
矧多欲事物日以滋牛羊踐徑蹊虎豹攻藩
籬我嘗叩天理誠明不容欺第恐達者事還
為狷者嗤

楊將軍垌馬圖

古人相馬不相肉畫工畫馬亦畫骨淡淡生
綃一片雲眼中群龍何突兀飛荒汗血天驕
種筆墨之間見飛動前趨後逐互有態波瀾
行留分向背豐草長林性本真駟駟駟駟相
與馴開元天子盛監牧四十萬匹錦繡屯人
言息馬戰所重風聲霜蹄惜無用君不見幽
燕飛鞚時中原流血成淵池抵令征討苦未
休金鞍鐵甲彌山丘安得收歸如此馬飲水
求芻苢閑暇

題李氏寓酒軒

吾聞李謫仙一斗詩百篇酒家眠又聞陽諫
議月廩盡以送酒錢伯倫酒德頌無功醉鄉

仙說到飲中理茲世何渺然古來賢達士以
酒全其天所以陶靖節浩歌歸園田獨余醉
翁之意不在酒樂在山水靜所便古人已矣
不可作今人紛紛亦能賢北里富煙天高樓
歌舞進千金結客多少年哀吹豪竹倒傾玉
缸以酒玄爲市地勢相蟬嫣焉知貧士貧到
骨健倒仰天歌黃鵠黃鵠歌罷無翼飛妻啼
兒號書一束借問主人翁心跡誰與同我亦
頗解飲聖賢時一中酒酣擊尊破兩耳生春
風安得園綺遇携我入山去清泉爲釀碧溪
深醉卧溪頭弄雲月

盧山兵後得房希白書知弟謙消息

聞道王師阻渭津盧山以後陷兵塵軍行萬
里速如鬼風慘一川愁殺人亂後僅知家弟
在書來疑與故人親夢中亦覺長安遠回首
閩河淚滿巾

晚步張輦田間

地入荒蕪過客稀村深門巷暮山園悠悠獨
鳥穿雲下策策寒鳥掠日飛人事百年梧葉
老秋風萬里稻花肥兵塵河朔迷歸路惆悵

平沙送夕暉

板橋道中

篁竹瀟瀟野水濱光風過眼與時新陰崖積
雪猶含凍遠樹浮煙已帶春世故未應悲古
道歲華聊得伴閑身蕨芽筍稚行當好莫擬
山中問主人

過陝

萬古津茅據上游峭函西去接秦頭悲風鼓
角重城暮落日閩河百戰秋形勝古來須上
策塵埃歲晚只羈愁豺狼滿地荆榛合日斷
中條是故丘

爲王德新壽

百年人物惜凋零尚喜衣冠見老成數口藎
藍憂桂玉一川風雨獨柴荆紅顏未羨方春
好黃髮應從此夜生異日華林講珠禮不妨
鳩杖從公行

爲秦人梁師壽

功名萬里駕龍荒不作當年陞楮郎顏角久
瞻天上日鬢毛未點鏡中霜衣沾暑雨千秋
潤扇引薰風六月涼見說長年出冲靜海山

求樂本微茫

送申生取新赴中書

寒山漠漠日初曛，過盡瀟瀟鴈鷺群。
百代高歌餘白雪，一朝飛步上青雲。
倚門翫牋誰惜，我滿腹精神獨見君。
看取扶搖便鵬翼，臨岐且莫嘆離分。

寄杜仲舉

塞上愁多雲易陰，故人雖在鴈無音。
交情念子黃金重，世故稽人白髮深。
芳草春風千里夢，青燈夜雨兩鄉心。
岱宗入眼東南秀，悵望雲山淚滿襟。

寄元裕之

朔雲陰雪晚重重，日入寒蕪塞草空。
沂水東回無去翼，天山南斷有哀鴻。
三年遠別交情外，一夜相思客夢中。
明日閨河對雙淚，祗將幽憤寄秋風。

竹林院全張之純賦

柳色侵尋映短籬，竹梢零亂挂殘暉。
山禽自識忘機客，飛下庭柯更不飛。
稍稍林間布穀聲，村南村北水雲平。
偶來竹

寺看山坐閑聽清溪遠舍鳴

中書大丞相耶律公挽詞

甲辰五月十四日

砥柱中流折藏舟，半夜移世賢高允。
相人嘆叔孫儀，未拜荊州面嘗蒙國士知。
無階陪引綈萬里輜。

又

文獻群公表東舟，八葉傳珪璋。
貽嗣德蘭藻，霽遺編禁籍。
虛青瑣仲游，定玉泉太常千宇。
誅誰有筆如椽。

宴國公挽詞

鬱鬱佳城閉，翩翩銘旌。
旒開風悲，信陵墓雨入。
孝王臺萬古傷，渠壞千年望。
鶴來平明國門外，蕭鼓不勝哀。

又

漢制隆恩禮周，列屏翰人知。
尊帝冒我但識儒冠，傷蘭桂孤高。
歎鳳鸞從今門下客，長缺向誰彈。

王子壽鄉友生朝

自接夫君席，頻逢歲律更。
面嚴知氣直，語出見生平。
講學詩書義，論交里社情。
須臾如戟

在長對玉峰明

送李端卿之鄴臺

僮馬戒晨裝新霜未葉黃嗟予無壯節送子
慘離腸林慮荒秋色清漳下夕陽遙知一尊
酒吊古

爲喬子壽

講道顏淵卷新齋友與同中身為大節寡歎
是全功教子勤書裏娛親養疾中黃花佳節
近歲歲看秋風

贈劉伯威

劉子山中秀相逢氣自同箕裘門戶計救水
古人風折節豈爲辱苦心應有終平生湖海
志未用哭途窮

贈王明

遼海遺珠玉黃 秀木空百年書法裏萬事
酒盃中耿耿此心在悠悠吾道窮好賢明達
事獨喜與君全

秋夜感懷

老境歡娛少愁懷感歎長世途多險阻歸興
渺滄茫踈雨梧桐夜西風蟋蟀床平明攬青

鏡衰鬢又添霜

趙太監降日

自從龍戰野特立孰如公著跡雲鵬上收功
汗馬中高談天下計餘事古人風勿藥行逢
喜春風雨 紅

雲中夜

憔悴杜陵客悲 王仲宣四圍晴立壁一突
午無煙病卧秋風裏愁吟夜雨過明朝誰裹
飯萬一使君憐

渡洛

泉石經行久林丘弭望間溪鳴風蕩水谷暗
雨含山淡淡輕鷗沒飛飛倦鳥還世緣良日
苦空羨野雲閑

浩浩

浩浩春風裏悠悠倦客情天寒花寂寞冰泮
水縱橫念遠心將折聞兵夢亦驚江山憔悴
久倚杖嘆餘生

河汾諸老詩集卷之一

河汾諸老詩集卷之二

橫汾隱者房祺編

石泉張先生字彥升

送趙宜之歸辛安兼簡洛下諸友

悽惻復悽惻送君汾水側人生歡會少一別
難再得昔經劫火然二鳥奮驚翼嗷嗷各何
之全落天西北日夕相和鳴此樂未易極狂
風忽吹散一鳥歸故國翔翺入寥廓萬里期
一息鄧林有餘陰未肯栖枳棘玉山有嘉禾
未肯求粒食一鳥獨未歸邈邈老無力矯首
思舊群潸然淚沾臆

雌鷄行

雌雞粥粥將鳬兒鳬兒入水雞鳴悲岸南岸
北飛且隨但恐搏攫遭鷲鵠岸傍無食寧飢
死朝暮不肯湏吏離傍人爭笑愚且痴我哀
物理為人欺

雲溪秋泛圖為閻國寶賦

晴嵐滴翠霜樹殷石錦錯落苔花班人家隱
約荒靄外但見籬落連柴閤兩山中斷忽空
曠下有碧水之潺湲幽人航蒿迷遠近思致

蹇無容攀定非鴟夷成霸業一舸五湖煙
浪寬又非坡仙遊赤壁酒酣浩歌江月寒亦
當拄杖橫膝看南山心與白雲相對閑胡爲
厭山瞰芳渚岸草汀花適幽趣有聲詩盡無
聲詩夏蟲未易寒水語或云此本張季鷹事
鱸忽憶扁舟輕蹇予有家歸未得一見秋風
羽翼生

採蓮分得底字

溪風搖搖波瀾瀾十里芳華照清沚蘭舟女
郎紅玉春日射新粧明水底芙蓉雙檢百媚
生吳宮西施漢良娣藕腸折斷雪絲牽入手
花枝香蕊范隔岸誰家貴公子調笑新詞歌
艷體吳儂變風有如此誰念采蘋供祭禮

哭姪

學業方成二紀過虛舟一夕殞頽波死皆有
命伶渠早老獨無依柰我何歸計雲山空莽
蒼愁懷日月暗消磨白楊半夜風蕭瑟盡是
吾兒薤露歌

感懷

世路羊腸劇險艱天心應厭著儒冠老無子
息心易貧交親託事難文字售人真滯

貸庶乎養已 閑官義經讀罷無人會庭竹
蕭森夜月寒

吊蕭同知

蕭蘭一夕殞秋霜數載交情遽忍忘遊覽雲
山春並轡笑談風雨夜連床治心我謂當誠
慤處已君言貴肅莊此理從今誰與論隰州
林月漱蒼蒼

上巳日遊平湖

微風漠漠水增波楔事重脩繼永和脆管當
巡清似語扁舟爭岸疾如梭一時人物成高
會千里雲山入浩歌日暮芝蘭無處覓野花
汀草占春多

送田茂卿赴都

宿雨初晴草木齊一杯汾水恨分携上林曉
色多驚友長路春風入馬蹄黃卷可能無斗
祿青雲自是有天梯從來俊傑知時務莫為
寒臆故絕迷

和李子微村居

健羨南溪老幽居水石間心無塵事汨身與
野雲閑院靜深藏竹牆低易得山蒲團香一

炷花落烏喧喧

又

別野荒城外居閑事事幽栽松添野色接鉅
引溪流詩社分新韻村醪洗舊愁更求名與
利騎鶴望揚州

送李仲暉之洛

同是思鄉客君先著祖鞭驪駒歌落日去鴈
入高天莫戀河濱粟當耕谷口田親朋儻相
問為報已衰年

送馬德新

馬弟吾鄉秀青雲正壯年四知雖自畏六戒
得師傳秦府開賢路瀛州列俊躋秋風黃鶴
健老眼看高騫

贈黃甫德璋

明德本生公醫名一代雄杖頭閑日月舌上
舊家風雅趣錢神外高情酒聖中治人陰德
在壽骨秀而豐

和劉敏之韻

城居寧不好未易看閑人客至慙無酒詩成
莫療貧談天雖有口無地可安身羨殺清江

驚生來不受塵

秋日出郭

離離禾黍滿郊墟
棗實紅殷接野閭
四十年來無史筆
有年今日伏誰書

和李濟夫韻

午夢遊仙鳥喚迴
竹陰掃地靜無埃
莫言嘉客閑中少
時有清風自往來

荆公

作古非今禍已成
亦知鬼責與天刑
試看一病遺言處
猶勸傍人誦佛經

襄陵北城溪坐

楊柳陰陰水氣涼
椒花蕝蕝野風香
地偏愈覺似閑整
始信擒昌化日長

閑述

此性生而與道俱
靈源常患少人疏
楊侯一語崇經學
士子爭相讀四書
解作時文一二篇
膏中意氣已掀然
何如剖破醯鷄瓮
看取人間大有天

河汾諸老詩集卷之二

河汾諸老詩集卷之三

陳先生廣子颺

遊龍祠

橫汾隱者房祺編

黃河如絲導崑崙
崑崙萬里南下突
禹門枝流潛行大
地底派作八道如
霆奔吾聞川真機
靈有冥宰况乃利
澤開洪源神龍窟
宅瞰平野千古廟
負何雄尊深林含
蓄雷雨潤玲殿似
帶波濤痕我來南
州走塵金執熱未
濯憂思煩試斟甘
冽洗肝肺一勺注
腹清且熾悠然

晴風坐東廡倏見繪畫如飛騫仙官華裾乘
朱軒旗幟掩謁蛟伏轅雷公電母踏煙霧天
吳海若驅鼉鼉何時借取霹靂手倒挽銀漢
清乾坤廟前老翁顧我語孺子未易排天關
胡為高論乃如此一笑滿面春風溫是時三
月遊人繁男女雜還簫鼓喧驚菱沉玉荅靈
貺割牲醢酒傳巫言巫言恍惚廟扉闔拜手
上馬山煙昏

岷山秋晚

太山高嵯峨小山

嵯峨清江錦樹帶秋煙

煙際人家在林藪荆河迤南三岷山此圖定
繪襄陽否詩人翰墨丹青手落筆天機隨所
有岷首真在襄陽西遙觀漢水含風倚上有
龜龍一片石云是羊公墮淚碑試披禹跡考
地志畫師寧免詩人疑且看滿眼江山好休
作燕人過晉悲

子猷訪戴圖

兩晉崇玄虛風流變華夏舉世尚清談天地
指一馬依阿竹林賢鴻名重天下王郎衣冠
冑亦復慕草野偶來剡溪上溪水正清瀉扁

舟信汾泗氣韻可滿瀛誰與好賢心丹素入
圖寫山陰懷古意欲攬不盈把賦詩心夷猶
六義愧騷雅西風塵冥冥倘有知音者

鐵拄杖

閩王鐵杖如柳栗得自荒虛鬼神域鞭笞蜚
蠻今幾年霧翳雲蒸老蛟黑腹中有筍如細
泉牙節宛轉聲鏗然天生神物不虛棄提携
萬里歸坡仙坡仙騎鯨凌紫煙海山一去今
千年人間俯仰成今古紛紛長物何須數洛
陽銅駝卧荆棘昭陵石馬埋煙雨百斛鼎兩
錢雖小大用舍俱兒嬉商顏鶴髮一節竹何
似凌煙功臣玉具高檣頤黃閣得君真耐久
扶持四海經綸手會須柱到崑崙顛九點青
煙看九有鐵邪杖邪吾不知誠將道眼窺天
機一朝雷雨轟空陂須防化作蛟龍飛

武善夫桃源圖

武郎種桃滿雲溪三月紅雨行人迷自從玉
勒入雲馭春風杜宇年年啼飛黃騰踏有天
倪紫電轉盼天山低要將白壁沽蛾眉更把
黃金鑄象蹄羲和挾輶六龍馳暮景恐迫虞

洲西新詩擬喚槐安夢咫尺溪邊春色動飛
花漠漠水冷冷蒼苔荒了煙霞洞聞道西風
解浣人何處江山可問津征塵障斷仙源路
且看丹青萬樹春

送李長源

月下孤鴻枕上鷄高城今日又分携九秋雲
氣峭陵底萬里河聲砥柱西飲罷關山秋寂
寂詩成風雨暮淒淒千金善保并州器要放
崑崙入馬蹄

寄陝郡楊正卿

西臺

臨川 上看飛鴻十載西州一轉蓬親老家
貧初有累才疎意廣卒無功姦雄頗忌孔文
舉富貴何如張長公滿地塵埃浮世狹一帆
思駕五湖風

又

遷客形容國士心春風鶴髮不勝簪鍾儀去
楚衣冠異王粲依劉歲月深歲晚艱危無短
策酒酣悲壯動長吟遙憐蘭省楊夫子一紙
書未抵萬金

宣宗挽詞

洛邑周初定蒼梧舜不還九天來鶴馭萬國
泣龍顏儉德高千古鴻勳際兩間無由望弓
劍雲氣鬱橋山

寒食祀墳迴登臨晉西原廢寺

前朝廢寺枕山河尚有摩雲宰堵坡故國已
非唐日月老僧猶指晉山河年來筋力登臨
倦亂後心情感慨多石蘚荒碑碎文字他年
更得幾摩挲

當年雲構倚天開一夕煙塵化劫灰佛閣丹
青餘瓦礫禪房花木亦蒿萊春風萬里騷人
怨落日千秋杜宇哀斷礎荒煙無限意一章
詩律為誰裁

送寇輔臣

古陌風塵點客衣送春 亦伴春歸東風不
管離人恨吹落楊花滿地飛

蒲中八詠為師崑卿賦

蒲津晚度

雲濤注壺口水府蟠九壘公子莫爭舟蛟龍
方散轂

虞坂曉行

伯樂沉九原泥塗困騏驎千古長坂空無人
知此意

舜殿薰風

崑廊鳴五絃薰芳南風來鳳去徽音絕胥井
生莓苔

首陽晴雪

天風吹瓊瑤白冒首陽頂欲和采薇歌千山
凍雲冷

東林夜雨

林壑冷含秋風雨黯如海何如贊公房青燈
淡相對

西崑臺巘

梵刹盤空曲烟霞錦繡紋山靈倘招隱徑入
萬重雲

媯汭夕陽

葵階降英皇此地嬪有虞南巡竟不返愁雲
接蒼梧

王官飛湍

縣流落雲崑遙空挂飛練何時斜清冷一類
黃塵面

河汾諸老詩集卷之三

河汾諸老詩集卷之四

橫汾隱者房棋編

陳先生庚子京

送麻信之內鄉山居

四海紛拏戰虎龍驚層無計脫園中莫貪利
祿招時忌要學聳牙與世同汝水應逢寒食
雨川行舞雩風離心洗滌方如許莫上
危樓聽斷鴻

吊麻信之

弊屣功名懶著鞭劇談豪放本天然 每

愛從人語醉裏何妨對客眠
休瘁漸成酒病家貧全仰賣碑錢
堂一去今何在三尺孤墳罩野煙

風采瓊林未足侔一朝零落委山丘
君恩未賜金蓮炬天闕俄成白玉樓詩
珠尤可翫空如懸磬更堪憂路遙未暇憑棺莫悵望
中條涕泗流

答楊煥然二首

梁苑當年記盛遊
亂離南北恨遲留
且教紅似金縷
莫對青山嘆白頭
人似贊遷蜀

郡詩如子美到夔州
傳家況有玄文應使
童烏繼纂修

獻賦當年觀紫宸
羨君藻思獨超群
扶持吾道難尤力潤色斯文老更勤
學際天人寧有伴文如風水自成紋
何時載酒清伊上寄字時來問子雲

清明後書懷

花氣薰人動竹齋
貪春狂思若為裁
蜂粘落絮飛還墜
燕認新巢去復來
亂後精魂猶夢境
貧中風景剩詩才
江山信美非吾土
懷抱

何時得好閑

送孟駕之赴闕

文史相從二十年
歲寒心事久彌堅
向來才力驚游刃
此去功名穩著鞭
淺綠美依沙漠草
橫青遙指拂廬煙
應將萬字匡時策
挽取恩波下九天

病後贈姚仲寬居士

寂寂柴關畫不開
虛簷獨步意徘徊
百年素業南柯夢一寸丹心古鼎灰
野老相過聊問訊禽近啄不驚猜
好奇誰是劉公肯為楊雄載酒來

有懷家兄子颺

蕭蕭雙鬢半成絲
疊疊襟懷抱所思
趨向自知違俗好文章只合伴兒嬉
嵩西晚照霞明處洛汭秋風鴈過時
中有先人弊廬在與君何日理茅茨

贈李彥誠

五嶽分崩四海傾
便宜一別盡今生
艱難契闊重相見四十餘年老弟兄

峴山秋晚圖

當年叔子愛茲山陵谷回頭幾變遷縱使豐碑今尚在遊人誰復一潸然

題師崑鄉蒲中八詠

蒲津晚渡

中條山色照黃河競渡行人晚更多城上危樓倚霄漢凭欄有客正悲歌

虞坂晚行

五更風露正清冥馬首殘蟾分外明好句墮前俄失去微吟倏過古虞城

舜殿熏風

德化當年被海隅熙熙物性盡熙熙不知今日吾民愠一聽琴聲解得無

首陽晴雪

山頭晴雪照城樓潑水融銀脰兩眸蕩滌寒城須美醞浮香醺醉夜來莠

東林夜雨

瀟瀟寒雨濕觚棱古殿長廊夜氣增此地此時誰得意龕澄一點坐禪僧

西崑疊嶽

螺鬟煙髮轟萬峰行人指點梵王宮鳥飛杳

靄蒼茫外人在霏靄空翠中

鵲汭夕陽

水曲山河古樂鄉聖謨曾此降英皇遺風欲問應無處破屋頽垣半夕陽

王官飛湍

表聖當年愛此山倚樓終日看飛湍後人空飲貽溪水不學先生便挂冠

河汾諸老詩集卷之四

河汾諸老詩集卷之五

白雲子房先生 碑希白

橫汾隱者房祺編

江上行

浮雲澹澹心悠悠杖藜來作江邊遊商人打鼓催行舟洪波不斷東南流木葉滿滿荆楚秋勸君休上王粲樓日落滄江增暮愁

賁叙行贈常漢臣

滄海波未澄無人斬長鯨常郎三尺玉匣中鳴不平蛟龍一出雷雨隨翕忽變化清四夷可惜有

才不見用青天白日將何為酒酣起舞抱劍
哭蕭蕭悲風動茅屋不如南山學種田自古
青萍換黃犢

扣角歌贈史吉甫

剝剝扣牛角自從破却黃雞穀陰陽二氣
分清濁異則為風震則雷流者成川峙者
道常行日用間醉夢昏昏人不覺伏羲不
得已而畫文王不得已而重叔世不及上世
隆夫子不言人益蒙著成大傳開育聲譬如
日出滄海東無物不在光明中峨嵋山人
史居士來到公安大智寺手携牛角欲何
為發明三聖心中事人言康節是前身但
不家居洛之溪育中一部皇極書造化功
夫際天地舒之則彌滿六合卷之則不盈
一握近之則在乎目前遠之則入乎冥邈
有人來問先天學扣牛角剝剝

貧家女

貧家女德性溫柔寡言語終年辛苦不下機
身上却無絲一縷倡家女兒百不會只向人
前賣嬌態繡裙端坐青樓中銀燭熒煌照珠

翠書言福善與禍淫未必天公有此心盜跖
長年顏子千古來顛倒非獨今高處是崑崙
低處是東溟崑崙推不倒東海填不平物之
不齊物之情貧女莫羨倡女榮不義富貴浮
雲輕持身但如水雪清德耀荆釵有令名

送王升鄉

傷哉船子峰頭月昨夜團團今夜缺月華猶
自不長圓人生安得無離別世上憂端千萬
許惟有別離心最苦盧川春晚送君行落花
為我啼紅雨四海紛紛尚戎馬我曹只合歸
林下如椽大筆今無用日課新詩自陶寫
陽佳處如畫畫浮可漁弓田可稼我欲從君
覓隱居却恐山靈嫌俗駕

題呂仙亭

岳陽城南呂公洞道人見客無迎送事少方
知日月長身閑未覺功名重竹影松陰生午
涼山色湖光設朝供高吟下視世間人幾人
不在黃梁夢

寄呈岳陽諸友

稟性太褊率不受塵事觸自小遠市廛僻居